



N°103  
Entrée le 13.12.2023  
Chambre des Députés  
Déclarée recevable  
Président de la Chambre des Députés  
(s.) Claude Wiseler  
Luxembourg, le 14.12.2023

Claude WISELER  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 13/12/2023

Här President,

**Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Justiz & Bildung, Kanner a Jugend weiderzeleeden.**

Am Joer 2019 huet déi deemoleg Justizministesch fir d'Gebuertsdagsfeier vun der Kannerrechtskonventioun virum *Comité des droits de l'enfant de l'ONU* declaréiert, dass Lëtzebuerg sech géif e gesetzesche Kader ginn, dee verhënnert, dass Kanner a Prisongen fir Erwuessener ënnerbruecht ginn. Haut, véier Joer méi speit, ass en entspreichend Gesetz nach net gestëmmt ginn.

Wéi de Presseservice vun der Justiz den 12. Dezember 2023 gemellt huet, gouf dofir rezent och nees e Mannerjärege vum Parquet vu Lëtzebuerg an de Prisong vu Schraasseg placéiert, well déi aktuell Gesetzgebung dat nach erlaabt an an der Sécherheetsunitéit vun Dräibuer keng Plaz war. Den Ombudsman fir Kanner a Jugendlecher betount iwwerdeems ëmmer nees, dass Mannerjäreger net a Prisonge fir Erwuessener placéiert dierfte ginn an et fir eng Upassung vun de Gesetzer an den entspreichenden Infrastrukturen héich Zäit gëtt.

An deem Zesammenhang wéilt ech de Ministeren dës Froe stellen:

1. Wéi vill Mannerjäreger goufen zu Lëtzebuerg säit 2019 an engem Prisong fir Erwuessener ënnerbruecht?
2. Wéi een zäitleche Kader huet sech déi nei Regierung ginn, fir d'Aarbechten un der neier Gesetzgebung fir de Jugendschutz an d'Jugendstrofrecht endlech ofzeschléissen?
3. Hält déi aktuell Regierung un de Pläng vun der viregter fest, dass et e Centre pénitentiaire zu Dräibuer an eng Dezentraliséierung vum CSEE soll ginn?  
Falls jo: Bis wéini sollen all dës Infrastrukture fäerdeg an operationell sinn?  
Falls nee: Wéi gesinn der aktueller Regierung hier Pläng aus?

Mat déiwem Respekt,

Marc GOERGEN  
Deputéierten



[www.piraten.lu](http://www.piraten.lu)



LE GOUVERNEMENT  
DU GRAND-DUCHÉ DE LUXEMBOURG  
Ministère de la Justice

**Gemeinsam Äntwert vun der Madamm Justizministesch Elisabeth MARGUE an dem Här Minister fir Bildung, Kanner a Jugend Claude MEISCH zu der parlamentarescher Fro n°103 vum 13. Dezember 2023 vum honorabelen Deputéierten Marc GOERGEN iwwer d'Ënnerbréngung vu Mannerjärege an engem Prisong fir Erwuessener**

**1. Wéi vill Mannerjärege goufen zu Lëtzebuerg säit 2019 an engem Prisong fir Erwuessener ënnerbruecht?**

Déi gefrotten Zuele befanne sech an der Tabell heidrënner:

2019	0
2020	1
2021	8
2022	11
2023	7
<b>Total:</b>	<b>27</b>

2021 war ee Mannerjärege zweemol an engem Prisong fir Erwuessener an ass dofir och zweemol an der Tabell mat abrechent.

**2. Wéi een zäitleche Kader huet sech déi nei Regierung ginn, fir d'Aarbechten un der neier Gesetzgebung fir de Jugendschutz an d'Jugendstrofrecht endlech ofzeschléissen?**

Den zäitleche Kader fir d'Aarbechten un der neier Gesetzgebung läit net alleng an der Hand vun der Regierung. Ziel ass awer, esou wei dat och am Regierungsprogramm virgesinn ass, déi Aarbechten esou schnell wéi méiglech ofzeschléissen.



**3. Hält déi aktuell Regierung un de Pläng vun der viregter fest, dass et e Centre pénitentiaire zu Dräibuer an eng Dezentraliséierung vum CSEE soll ginn?**

**Falls jo: Bis wéini sollen all dës Infrastrukture fäerdeg an operationell sinn?**

**Falls nee: Wéi gesinn der aktueller Regierung hier Pläng aus?**

D'Regierung hält un dëse Pläng fest.

D'Planung vun dem neien Jugendprison (Centre pénitentiaire pour mineurs) kënn gutt virun an éischt bautechnesch Mesuren missten direkt kënnen ufänken soubal déi nei Gesetzgebung bis do ass.

D'Dezentraliséierung vum CSEE ass ee Prozess dee schonn amgaangen ass. 2020 ass an dësem Kontext eng wichteg Etapp mat der Ouverture vun engem Wunngrupp zu Buerglënster geholl ginn. Am Moment gëtt un engem weidere Projet geschafft, dee bis 2026 kéint realiséiert ginn. Dësen géif erlaaben weider Deeler vum CSEE ze dezentraliséieren.

Lëtzebuerg, den 16. Januar 2024.

D' Justizministesch

(s.) Elisabeth Margue